

信社

劇目：西遊記《沙僧拜師、試禪心豬八戒撞天婚》

人物：說書人、悟空、八戒、唐僧、沙僧、小妖（四隻）、蜘蛛、觀音、金夫人、金蓮、金菊、金梅、僕人

5Q1	第一場：河邊
1. 說書人	唐僧、孫悟空同埋豬八戒師徒三人，正在前往取西經之路，佢哋而家去到一條連綿不斷嘅河。
	(悟空、八戒、唐僧出) <i>three guys stand still</i>
2. 悟空	(躍身一望) 師傅！呢條河就咁望都有成百里闊啲！
3. 八戒	過嚟呢度睇吓吓，呢度有塊石碑。
4. 唐僧	(指住石碑) 流沙河？(走向背面看；詩白) 八百流沙界 三千弱水深 鵝毛飄不起 蘆花定底沉。 (倒抽一口冷氣) 要點算好呀？
	(河中鑽出一個妖怪，撲向唐僧，唐僧師徒三人大驚)
5. 悟空	師傅我嚟保護你！(悟空上前打妖怪，八戒保護唐僧)
	(悟空縱身一躍，舉起金鋼棒朝妖怪打去。那妖怪揮杖一擋，震得雙臂發麻，然後跳入水底。)
6. 唐僧	(上前截住悟空) 咪住，徒兒，唔好咁衝動啊！

	(妖怪偷偷爬上水面，在偷看唐僧師徒三人)
7. 悟空	<p>師傅啊... (白攬)</p> <p>睇佢一副古怪樣</p> <p>就知佢係手下敗將</p> <p>我金鋼棒一亮相</p> <p>佢就知我有幾強 有幾強</p> <p>我哋一於引佢出嚟，再打到佢走夾唔喇！</p>
	(妖怪看準時機，捉走了唐僧)
8. 八戒	師傅...
9. 八戒+悟空	師傅唔見咗啊！
10. 八戒	一定係隻妖怪捉走咗師傅！一日最衰都係你，掛住同我傾偈！
11. 悟空	(回頭) 豈有此理！點算好呀？點算好呀？(望向八戒) 喂！你唔係天蓬元帥嚟嘅咩！快啲講隻妖怪嘅弱點出嚟啦！
12. 八戒	<p>我管嘅係天上面嘅嘢，呢啲嘢我點鬼知啫！(想方法) 啊！有辦法啦！</p> <p>我記得東海龍王有粒分水神珠，只要有咗佢... (走到石碑旁) 就可以分開條河喇！</p>
13. 悟空	<p>你知又唔早講！我而家就去搵佢。(悟空起行找東海龍王，八戒尾隨，悟空停下) 啊！你...留喺度睇水啦！</p>
14. 八戒	哼！死馬騮！

525

	第二場：流沙河
	(台左台右各有兩隻小妖，左邊兩隻小妖押着唐僧)
15. 沙僧	哈哈哈哈！等咗咁耐，終於可以食人喇！哈哈哈哈！

16. 唐僧	你咁樣做罪孽深重，奪取多條寶貴嘅生命。報應終有一日會降臨喺你身上，你想點處理我，悉隨尊便啦。
17. 沙僧	（憤怒）你估我想㗎？我唔係想食人㗎！只係被貶人間之後，冇辦法離開呢條河覓食，食過人之後又返唔到轉頭。
18. 唐僧	願聞其詳。 SQ5-6
19. 沙僧	想當年..... （歌：網中人） 回望我一生 做個將軍盼望成大器 然後錯手打碎咗 大帝喜歡嘅寶燈 誰料到今我 被困水中靠食人盡興 淪落化身妖怪魔 面對心魔極無助
20. 唐僧	阿彌陀佛，如果食人並非你自願，只要你一邊打坐，一邊唸經，唸100次就可以喇。
21. 沙僧	你都係怕死先咁樣同我講啫！（猶豫）好，我就信你一次！
SQ6	（沙僧前去唸經。突然，他看見一隻蜘蛛，他拿起兵器欲打走蜘蛛但不果，便馬上跑回來）
22. 沙僧	你個臭和尚，竟然咁呃我，我頭先唸經嗰陣，見到一隻又黑又大嘅蜘蛛啊！
23. 唐僧	咁啦，如果喺打坐途中受到孽障嘅騷擾，就喺佢身上面寫個「佛」字啦！心中有佛，所見皆佛。
24. 沙僧	好！我就信多你最後一次！
SQ7	（沙僧再前去唸經，蜘蛛再出沒，他拿起筆在蜘蛛身上寫「佛」字但無

	用，又跑回來)
25. 沙僧	冇用嘅！寫咗個「佛」字都冇用嘅，唔可以原諒，我要食咗你！
	(小妖準備擊打唐僧)
26. 唐僧	冇用？咁你而家揭開你件衫睇吓。
27. 沙僧	你個臭和尚又想玩咩啊！
28. 沙僧	(揭開衣服，發現有「佛」字) 吓！點解會咁㗎？我明明...
29. 唐僧	善哉善哉。你話上天愚弄，令你不斷食人，所以貧僧叫你念經，助你消除魔障，摒棄惡行。點知你又死不悔改，你所謂嘅蜘蛛其實就係你嘅心魔。
30. 沙僧	心魔？！
31. 唐僧	係你嘅內心呃緊你，話自己係被迫食人，其實由始到終，你都係想食人。
32. 沙僧	我一直都想食人？(跪下) 有可能！唔係真㗎！總有一日，我一定可以返上天宮！(站起) 你個臭和尚玩我！小妖們同我煮咗佢嚟食！
	(此時，悟空和八戒透過分水神珠進入流沙河，小妖們被河水捲走，沙僧拉住唐僧) SQ8
33. 悟空	(八戒跟着悟空進場) 好彩有分水神珠先落到嚟，原來你想捉咗師傅嚟食！睇我嘅！(悟空用念力拉沙僧下來)
34. 唐僧	徒兒，停手啊！(悟空和八戒合力攻擊沙僧) 悟空、悟能，佢已經有改過嘅念頭。(見沙僧受傷，悟空也無視自己，便開始念緊箍咒) SQ10
35. 悟空	(頭痛，八戒見狀也停手) 好痛啊，停手呀師傅！啊，唔係，停口啊師傅！
36. 說書人 (VO)	觀音娘娘駕到！ SQ11 ↓

SQ11
fade out

	(觀音進場)
37. 觀音	事情嘅經過我都了解。沙悟淨，而家我俾兩個選擇你，一係就留喺流沙河入面一世，一係就同唐僧佢哋去取經。
38. 沙僧	(思考了一會兒便站起來) 觀音娘娘，我決定摒棄食人嘅惡行，跟隨唐僧取經。
39. 觀音菩薩	我深信你喺取經嘅途中，一定會戰勝到你嘅心魔！(脫下沙僧頸上的骷髏鏈，將葫蘆鏈掛在沙僧頸上)
40. 唐僧	悟淨，從今以後，你就跟隨我！我哋四師徒齊心上路取經啦。

SQ11-12
fade

hold for drum → SQ12 transit

SQ13

	第三場 (上) : 金家 (門外)
41. 八戒	(指著前方) 師傅！呢度有一棟好豪華嘅大屋啊！金光閃閃，一定有大魚大肉！
42. 唐僧	善哉善哉，總算有個落腳嘅地方。
43. 悟空	師傅，呢個地方金光太盛。老孫我 (聞到怪氣)，聞到一絲怪氣，怕有古怪！
44. 八戒	大師兄，你成日疑神疑鬼！有豪宅住，仲有得食，點會有怪？老豬我都餓到頭暈啦！
45. 沙僧	啱啊，而家已經夜深喇，我哋快啲落腳先！
46. 悟空	但係...
47. 唐僧	悟空，悟能同悟淨言之有理，我哋入去啦！
	(走到金家門外，唐僧敲門)
48. 金夫人	你哋係...
49. 唐僧	打攞晒，貧僧唐三藏由東土大唐而嚟，去西天取經。佢哋係我嘅三位徒

SQ14-15

	弟，天色已晚，唔知可唔可以俾我哋借宿一晚呢？
50. 金夫人	高僧，路途遙遠，風塵僕僕，來我金府歇腳，嘗嘗我哋嘅家常小菜㗎。 呢邊請... (邀請唐僧等人進屋，關上家門前向觀眾笑) ← door close

SQ 15-16 transit

	第三場 (中) : 金家 (大廳)
51. 金家上下	(歌: 百花亭之戀) 鳥聲歌唱百花亭 花間與哥誓盟訂 花香引來情蝶影 春風笑面共訴情 (僕人回房)
52. 八戒	嘩，呢啲唔係家常小菜呀，係山珍海味呀！嘩，仲有靚女啊！
53. 金夫人	我係金夫人，呢三個係我個女，金蓮、金菊、金梅。唐僧你哋幾師徒如此俊雅，若能留喺金府，同我三女之一結為連理，豈唔係美事一樁？
	(唐僧上前跟金夫人竊竊私語，金夫人叫三位女兒回房)
54. 唐僧	多謝施主盛情，貧僧與徒兒只求一宿安身，素食一餐足矣。貧僧心繫西天取經，斷無塵緣之念。婚姻之事，有違貧僧之道，望施主諒解。請施主另覓良緣。
55. 八戒	哎吔，師傅！您聞下！依家唔單止食得好，仲可以娶埋佢個女！好心你就唔好拂人好意啦！
56. 悟空	八戒！又咁為食？小心有詐，老孫睇落呢個地方怪怪地。
57. 沙僧	大師兄，金夫人同三位小姐咁好客，應該唔會有咩問題啫？
58. 金夫人	係囉大師兄，你多心啦！我哋金府世代行善，見到高僧，一見緣故，我先想提議搵你哋做上門女婿。
59. 八戒	哈哈，你真係有眼光！我雖然粗獷，但係我心腸熱辣，錫老婆係一流！

	(八戒擰著嘴站到一邊去)
60. 沙僧	二師兄，你又喺度諗啲花花腸子喇！師傅話過，我哋取經人要守清規，唔好惹塵緣。
61. 悟空	老孫我有眼睇你，悟淨我哋走。
62. 金夫人	兩位，我帶你哋去客房休息下，呢邊請。
	(金夫人帶悟空和沙僧回房)
63. 八戒	師傅！取經路幾咁苦啊！日日齋菜清水，我都餓到頭暈眼花！如果娶咗佢個女，我哋就唔使捱餓，你都唔使餐風飲露啦！
64. 唐僧	悟能，出家人要戒色戒食，你唔可以被情所困㗎！
65. 八戒	哼！

5219

	第三場 (下) : 金家 (房內)
	(金家三姊妹坐在房內聊天，八戒入)
66. 八戒	唉...成日食齋菜，我都瘦咗一圈啦！點解啲女仔偏偏睇上師傅，睇唔上我嘅？
67. 金蓮	八戒哥～你餓呀？試下我親手做嘅桂花糕㗎，甜到入心啊！
68. 八戒	(吃桂花糕) 哇！靚女加美食，我真係幸福！
69. 金菊	八戒哥～試下我釀嘅桃花酒，醉咗都開心！
70. 八戒	(飲酒) 好酒！你哋個個都咁靚，我真係揀唔落！
71. 金梅	八戒哥～揀唔落就唔使揀！我哋三姊妹都鍾意你，不如留低做金府女婿㗎？
	(金夫人入)

72. 八戒	金夫人... (白欖) 三位小姐都好睇 師傅剩係掛住向西 老豬我大方又得體 取經不如做你女婿 你女婿
73. 金夫人	(白欖) 我三個女多才多藝 做我女婿唔蝕底 可惜你師傅唔願制 再咁講落去都冇計 都冇計 如果你說服到你師傅，我就比你一次過娶我三個女又點話。
74. 八戒	三個？正啊！但係...師傅一定唔比我留低...
75. 金蓮	八戒哥～不如今晚我哋落少少蒙汗藥整暈佢，我哋咪可以拜堂成親囉！
76. 八戒	啊！妙計妙計！
77. 金菊	但係你個大師兄好惡，見到我哋好似見到妖怪咁，唔係咁易整暈佢。
78. 金梅	八戒哥～你咁聰明，你有冇辦法啊？
79. 八戒	唔... (想辦法) 啊！陣間我引隻馬騮同埋個沙僧去後院，你哋就喺前廳 拖延我師傅，咁咪得囉！
80. 金氏三姊妹	八戒哥～你好叻啊！

SQ20

	第四場：後院/前廳
81. 八戒	師兄、師弟，嚟嚟嚟，請坐請坐。我係同你哋道歉嘅！頭先我唔應該頂撞你哋！
82. 悟空	你有咁好死？

83. 沙僧	大師兄，你見二師兄咁真誠，你飲咗佢啦。
84. 八戒	我哋三師兄弟一齊飲！（飲酒）
85. 悟空	飲完啦！（準備走）
86. 沙僧	好喇，我哋要返去睇實師傅...（倒下）
87. 悟空	師弟...（倒下）
88. 八戒	（搖搖悟空和沙僧）娘子，我哋可以成親啦！
	（八戒離場，唐僧和金夫人入）
89. 金夫人	高僧！呢度你唔入得嚟㗎
90. 唐僧	施主，貧僧心不安。三位徒兒良久未歸，貧僧欲往後院一探。
91. 金夫人	（捉住唐僧）哈哈哈哈哈，你三位徒兒唔會返嚟㗎啦！佢哋已經比我哋迷暈㗎。唐僧你就受死啦！
92. 唐僧	悟空、悟能、悟淨，救命呀！
	（金夫人與捉住唐僧離場；八戒入）
93. 八戒	娘子...娘子你喺邊啊？
94. 金蓮（VO）	八戒哥，我喺到啊！
95. 八戒	（撲向柱子）捉到你喇...咦，係條柱嚟嘅？
	（金蓮出，拍八戒肩膀）
96. 八戒	啊！捉到你喇！我哋可以拜堂喇！
97. 金蓮	未得住。（拿出一件掛滿珍珠的汗衫）我織咗一件珍珠汗衫，只要你著得落，我就嫁俾你！你合理眼吓，我幫你着！
	（金蓮馬上用繩子死死地綁住八戒，令他掙脫不得。另一邊廂，悟空和沙僧慢慢酒醒）

98. 八戒	娘子，點解件衫咁緊嘅？不過我鍾意啊！
	(綁完八戒)
99. 八戒	娘子，你做乜綁住我呀？
100. 金蓮	死肥豬，你又肥又樣衰，你估我真係鍾意你㗎，哈哈哈哈！
101. 八戒	你...你係妖怪？
102. 金蓮	你而家先知，會唔會太遲呀？哈哈哈哈！你就乖乖地留嚟度，等我哋食完唐僧肉先返嚟食你隻肥豬！
	(沙僧、悟空入)
103. 悟空	精精地就快啲放咗我師弟！
104. 八戒	大師兄救我呀！
105. 金蓮	你... 你哋點解會咁快醒返嘅？啲蒙汗藥應該可以迷暈多你地幾個時辰㗎！
106. 沙僧	我大師兄又唔係一般嘅馬騮！
107. 悟空	講！師傅去咗邊？
108. 金蓮	哈哈哈哈，太遲啦！我係唔會話你知佢去咗邊！
109. 沙僧	金蓮，受死啦！
	(悟空、悟淨與金蓮進行連番擊鬥，金蓮倒下。沙僧、悟空鬆開繫住八戒的繩)
110. 沙僧	大師兄你得唔得㗎？等我㗎！（用兵器打破八戒的結）
111. 八戒	師兄師弟，對唔住啊，頭先...
112. 悟空	唔好講咁多，我哋快啲去搵師傅啦！

SQ24

drum

	第五場：金家（大廳）
	（金夫人坐在椅子，兩個女兒站在旁邊。）
113. 金菊	娘親，係咪只要食咗唐僧肉，我哋法力就可以變得高強，我哋就可以保護自己，唔使再比人蝦啦？
114. 唐僧	阿彌陀佛！汝等原是妖精，卻掩藏至此，何故執迷害人？
115. 金夫人	我哋都唔想食你，但係有頭髮邊個想做癲癩？
116. 金梅	自從父親喺五年前走咗，我哋就無好日子過，其他妖怪唔係搶我哋啲嘢食，就係趕我哋走，正正係因為我哋法力唔夠高強！
117. 唐僧	眾生皆苦，汝等苦衷，貧僧豈不知？然而殺生害命，終非正道，汝等何不改過？
118. 金夫人	休得巧言！你就等住食我哋嘅盤中餐啦！
	（悟空、八戒和沙僧挾持住金蓮入）
119. 悟空	呢班妖怪！快啲放我師傅！你個女係我手上，一手交一手，如果唔係老孫我一棒打扁你哋！
120. 金夫人	阿女！豈有此理！
	（悟空見金菊逃跑，前去攔住金菊。金夫人見狀劫持唐僧，八戒見金夫人劫持唐僧，則攔住金梅。沙僧在台上攔住金蓮。金家三姊妹落敗）
121. 金家三姊妹	娘親！
122. 金夫人	你哋呢幾師徒，要打就打我！唔好殺我三個女！
	（悟空、沙僧、八戒準備打金夫人）
123. 唐僧	悟空，悟能，悟淨你地快啲停手！（沙僧與八戒聽聞後立即放下武器，見悟空不打算停下，唸緊箍咒）

SQ26 ↑
↓

SQ26

124. 悟空	好痛啊師傅！徒兒見佢哋想傷害師傅，所以...
125. 唐僧	彼等雖為妖，卻有苦衷，且見金夫人愛女深切，甚至願意犧牲自己，足以見其善性。眾生皆苦，殺戮非道。
126. 金夫人	我哋咁樣對你，你都唔殺左我哋？
127. 唐僧	佛曰慈悲為懷，汝等若真心悔改，貧僧願化去戾氣，助汝等回正途。
128. 金蓮	若你哋肯放過我哋，我哋願改過自新，永不害人！
129. 沙僧	師傅！你又心軟！呢班妖精雖然有善性，但佢哋都差啲害死你...
130. 唐僧	悟淨！知錯能改，善莫大焉。
131. 八戒	（抹淚，拍胸）對唔住啊師傅，我知錯啦，我之後會聽你話專心取經㗎啦。
132. 悟空	如果你有下次，老孫一棍剷除你！
133. 唐僧	悟空！阿彌陀佛，經此事我哋一定要齊心協力。取經之路漫漫，吾等當心堅志定，續向前行！

drum

SQ27

end